



CENTRALNO GRIJANJE, TUZLA d.d.

Krečanska br.1, 75000 TUZLA

Identifikacijski broj kod UIO: 209012500000

Identifikacijski broj : 4209012500000

Rješenje o registraciji : U/I-920/02

Matični registarski broj : 1-294

www.grijanjetuzla.com

T A R I F N I P R A V I L N I K

**za priključenje na sistem daljinskog grijanja i isporuku
toplinske energije**

Tuzla, decembar 2009. godine

Na osnovu člana 113. Statuta „Centralno grijanje“ d.d. Tuzla, Nadzorni odbor je, na sjednici održanoj dana 05.01.2010. godine, usvojio akt broj 01-5439-2010/II-VNR-1, „Tarifni pravilnik za priključenje na sistem daljinskog grijanja i isporuku toplinske enetgije“. Na taj akt je Općinsko vijeće Tuzla, dana 28.01.2010. godine, dalo saglasnost broj 01-05-610-2010 alineja 1)

I. OPŠTE ODREDBE

Član 1.

Tarifnim pravilnikom za isporuku toplinske energije iz sistema daljinskog grijanja za grad Tuzlu određuju se:

- osnovni tarifni elementi za obračunavanje toplinske energije koju „Centralno grijanje“ d.d.Tuzla (u daljem tekstu: distributer toplinske energije) isporučuje potrošačima iz toplinske mreže,
- kriteriji i mjerila za određivanje nivoa cijena toplinske energije,
- principi i kriteriji za određivanje tarifnih stavki.

Član 2.

Tarifni pravilnik važi za sve potrošače toplinske energije iz sistema daljinskog grijanja, osim za one sa kojima distributer toplinske energije sklapa posebne ugovore.

Član 3.

Tarifne stavke za pojedinačne elemente cijene tarifnih potrošača moraju biti javno objavljene u Službenom glasniku Općine Tuzla.

II. TARIFNI ELEMENTI I TARIFNE STAVKE

Član 4.

Tarifni elementi za koje se utvrđuju tarifne stavke su :

- cijena za 1m²/mjesečno grijne površine
- cijena za isporučenu količinu toplinske energije
- cijena za angažovanu snagu – fiksni dio
- naknada za angažovani kapacitet
- naknada za energetska saglasnost
- naknada za načelnu saglasnost – saglasnost na lokaciju i trasu
- cijena za nadzor nad izgradnjom priključnog voda i toplinske podstanice. (Član 5. Opštih uslova za isporuku toplinske energije).

Član 5.

Grejna površina je zatvoreni stambeni, poslovni ili drugi prostor (bez obzira da li je u svakom dijelu ugrađeno grejno tijelo) koji se na način utvrđen projektom zagrijava pomoću internih toplinskih uređaja - grejnih tijela.

Član 6.

Količina isporučene toplinske energije utvrđuje se neposredno toplinskim brojilom ili posredno na način utvrđen u Članu 77. Opštih uslova za isporuku toplinske energije iz sistema daljinskog grijanja grada Tuzle.

Član 7.

Količina angažovane snage utvrđuje se na osnovu izvedenog stanja objekta, koje se konstatuje komisijski od strane distributera i korisnika.

Član 8.

Naknada za angažovani kapacitet utvrđuje se projektnom dokumentacijom objekta ili dijela objekta na sistemu daljinskog grijanja. Naknada je jednokratna i plaća se prije potpisivanja ugovora o isporuci toplinske energije.

Član 9.

Naknada za načelnu saglasnost i saglasnost na trasu je paušalni iznos koji plaća svaki podnosilac zahtjeva za priključenje na sistem grijanja ili podnosilac zahtjeva za saglasnost na lokaciju.

Član 10.

Potrošnja toplinske energije je podjeljena u tri tarifne grupe :

- I. Tarifna grupa – domaćinstva
 - I.1. - domaćinstva, obračun po m^2 ,
 - I.2. – domaćinstva, obračun po MWh
 - II. Tarifna grupa – privreda
 - II.1. – privreda do 3,5m visine, obračun po m^2 ,
 - II.2. – privreda preko 3,5m visine, obračun po m^2 ,
 - II.3. – privreda, obračun po MWh
 - III. Tarifna grupa - ostali potrošači * (npr. Obrazovne ustanove, kulturne institucije, itd)
- * koji se posebnim odlukama svrstavaju u Tarifne grupe
- III.1. – ostali potrošači, obračun po m^2 ,
 - III.2. – ostali potrošači, obračun po MWh

Član 11.

Tarifne stavke za pojedinačne tarifne elemente su :

- cijena za zagrijavanje po m^2 grijne površine do 3,5 m visine grijanog prostora za tarifnu grupu I.1 i III.1, (KM/ m^2)
- cijena za zagrijavanje po m^2 grijne površine do 3,5 m visine grijanog prostora za tarifnu grupu II.1, (KM/ m^2)
- cijena za zagrijavanje po m^2 grijne površine preko 3,5 m visine grijanog prostora za tarifnu grupu II.2, (KM/ m^2)
- cijena za zagrijavanje po brojilu-kalorimetru (KM/MWh) za tarifnu grupu I.2, II.3 i III.2
- cijena za jedinicu angažovane snage (KM/MW) za tarifnu grupu I.2-fiksni dio,
- cijena za jedinicu angažovane snage (KM/MW) za tarifnu grupu II.3-fiksni dio,

- cijena za jedinicu angažovane snage (KM/MW) za tarifnu grupu III.2-fiksni dio
- naknada za jedinicu angažovanog kapaciteta (KM/MW) za tarifnu grupu I.1 i I.2,
- naknada za jedinicu angažovanog kapaciteta (KM/MW) za tarifnu grupu II.1,II.2 i II.3,
- naknada za jedinicu angažovanog kapaciteta (KM/MW) za tarifnu grupu III.1 i III.2,
- naknada za načelnu saglasnost , saglasnost na lokaciju i trasu,
- naknada za energetske saglasnost,
- naknada za nadzor nad izgradnjom priključnog vrelovoda i toplinske podstanice.

Član 12.

Iznos za cijenu grijanja po 1m² zagrijavanog prostora se izračunava tako što se površina (iz člana 5.) koja se zagrijava, množi sa brojem dana koji ulaze u obračun i utvrđenom dnevnom cijenom. Dnevna cijena dobije se dijeljenjem mjesečne cijene sa prosječnim brojem dana u mjesecu (30 dana). Tarifne grupe I.1, II.1, II.2 i III.1.

Član 13.

Iznos za cijenu grijanja prema brojilu-kalorimetru (Tarifna grupa I.2, II.3 i III.2) sastoji se iz dva dijela:

- Iznos za količinu isporučene toplinske energije, koji se dobije tako da se broj isporučenih MWh množi sa cijenom za toplinsku energiju (KM/MWh).
- Iznos za fiksni dio priključne snage (KM/MW/mj), koji se dobije tako da se vrijednost instalisane snage u MW množi sa jediničnom cijenom na godišnjem nivou i dijeli sa brojem mjeseci fakturisanja.

Član 14.

Naknade za načelnu saglasnost, energetske saglasnost i saglasnost na lokaciju i trasu – su paušalne i obračunavaju se jednokratno. Visinu naknada određuje Nadzorni odbor „Centralno grijanje“ d.d. Tuzla posebnom odlukom.

Član 15.

Iznos za nadzor nad izgradnjom priključnog vrelovoda i toplinske podstanice iznosi 1,5 % vrijednosti investicije za izgradnju priključnog vrelovoda i toplinske podstanice.

III. OBRAČUNAVANJE ISPORUKE TOPLINSKE ENERGIJE

Član 16.

Obračunavanje isporuke toplinske energije se kod pojedinačnog potrošača vrši :

- svrstavanjem potrošača u odgovarajuću tarifnu grupu,
- obračunavanjem isporučenih količina toplinske energije prema važećoj cijeni,

Član 17.

Ako se više potrošača iste ili različite tarifne grupe snabdijeva toplinskom energijom preko zajedničkog potrošnog mjesta sa zajedničkim mjernim uređajem, isporučena toplinska energija obračunava se u skladu sa "raspodjelom" troškova na tom potrošnom mjestu i odgovarajućom tarifnom grupom.

Član 18.

Raspodjela troškova za isporučenu količinu toplinske energije se može vršiti na slijedeće načine :

- prema m^2 , (Tarifna grupa I.2.1, II.3.1 i III.2.1)
- prema instalisanoj snazi, (Tarifna grupa I.2.2, II.3.2 i III.2.2)
- prema djeliteljima, (Tarifna grupa I.2.3, II.3.3 i III.2.3)
- prema internim brojlama – kalorimetrima. (Tarifna grupa I.2.4, II.3.4 i III.2.4)

Član 19.

Potrošači zajedničkog mjesta potrošnje moraju distributeru, prije sklapanja ugovora o isporuci toplinske energije, podnijeti sporazumno izrađenu „raspodjelu“ troškova koja je sastavni dio ugovora o isporuci toplinske energije.

U raspodjeli troškova se određuje učešće u troškovima isporuke toplinske energije pojedinačnog potrošača, a zbir svih učešća mora iznositi 100 procenata.

Raspodjelu troškova je moguće mijenjati samo uz pismenu saglasnost svih potrošača i uzima se u obzir sa prvim narednim obračunskim periodom.

Ako potrošači ne podnesu distributeru „raspodjelu“ troškova iz prvog stava, distributer obračunava pojedinačnim potrošačima troškove isporuke toplinske energije u skladu sa podacima iz „raspodjele“ koji ima na raspolaganju, ali ako tih podataka nema, prema jednakim učešćima.

Član 20.

Isporučena količina toplinske energije se obračunava :

- u slučaju obračunavanja prema toplinskom brojilu, količina isporučene toplinske energije obračunava se na osnovu vrijednosti očitanih sa toplinskog brojila, smještenog na mjernom mjestu u podstanici. Isporučena količina toplinske energije obračunava se mjesečno, odnosno kako je to određeno u ugovoru.
- u slučaju obračunavanja prema m^2 grijne površine, obračun se vrši mjesečno prema broju dana grijanja, odnosno kako je to određeno u ugovoru.

Član 21.

Potrošač mora plaćati isporučenu toplinsku energiju i usluge u roku plaćanja koji je naveden na ispostavljenom računu, uplatnici ili drugom važećem dokumentu.

Ako potrošač ne izmiri blagovremeno svoje obaveze, distributer mu obračunava zakonske zatezne kamate od dospjevanja računa do dana izmirivanja.

Ako se pojavi sumnja u platnu sposobnost potrošača ili zbog neredovnog izmirivanja obaveza plaćanja, može distributer tražiti plaćanje unaprijed sa izvršenim obračunom za uporediv obračunski period.

Član 22.

Električnu energiju potrošenu za rad toplinske stanice plaća vlasnik podstanice (potrošač ili distributer odnosno kako je to ugovorom definisano) isporučiocu električne energije. Količinu potrošene vode iz vodovodne mreže plaća vlasnik podstanice (potrošač ili distributer odnosno kako je to ugovorom definisano) isporučiocu te vode.

Član 23.

Reklamacije na primljeni račun ili obračun za isporučenu toplinsku energiju odnosno usluge koje obavlja distributer na osnovu Opštih uslova za isporuku toplinske energije iz toplinske mreže odnosno prema dogovoru sa potrošačem, prima distributer samo u pismenom obliku u roku od 8 dana od datuma izdavanja računa ili obračuna za nesporni dio.

IV. OSNOVE ZA UTVRĐIVANJE CIJENE I ODREĐIVANJE TARIFNIH STAVKI ZA OBRAČUNAVANJE ISPORUČENE TOPLINSKE ENERGIJE

Član 24.

Cijene toplinske energije iz toplinske mreže, naknada za energetska saglasnost, naknada za načelnu saglasnost, naknada za nadzor, određuju se u skladu sa važećim propisima.

V. PELAZNE I KONAČNE ODREDBE

Član 25.

Tarifni pravilnik primjenjuje se za sve već sklopljene ugovorne odnose, ukoliko ne dođe do suštinske promjene ugovornih odredaba i novih odnosa u vezi sa isporukom toplinske energije.

Član 26.

Do donošenja Odluke o utvrđivanju cijene toplotinske energije u skladu s ovim Tarifnim pravilnikom, primjenjivat će se Odluka o davanju saglasnosti "Centralno grijanje" d.d. Tuzla za izmjenu cijena usluga centralnog grijanja broj 01-14-7744/2005 od 15.12.2009. godine.

"CENTRALNO GRIJANJE" d.d. TUZLA